



This is a digital copy of a book that was preserved for generations on library shelves before it was carefully scanned by Google as part of a project to make the world's books discoverable online.

It has survived long enough for the copyright to expire and the book to enter the public domain. A public domain book is one that was never subject to copyright or whose legal copyright term has expired. Whether a book is in the public domain may vary country to country. Public domain books are our gateways to the past, representing a wealth of history, culture and knowledge that's often difficult to discover.

Marks, notations and other marginalia present in the original volume will appear in this file - a reminder of this book's long journey from the publisher to a library and finally to you.

### Usage guidelines

Google is proud to partner with libraries to digitize public domain materials and make them widely accessible. Public domain books belong to the public and we are merely their custodians. Nevertheless, this work is expensive, so in order to keep providing this resource, we have taken steps to prevent abuse by commercial parties, including placing technical restrictions on automated querying.

We also ask that you:

- + *Make non-commercial use of the files* We designed Google Book Search for use by individuals, and we request that you use these files for personal, non-commercial purposes.
- + *Refrain from automated querying* Do not send automated queries of any sort to Google's system: If you are conducting research on machine translation, optical character recognition or other areas where access to a large amount of text is helpful, please contact us. We encourage the use of public domain materials for these purposes and may be able to help.
- + *Maintain attribution* The Google "watermark" you see on each file is essential for informing people about this project and helping them find additional materials through Google Book Search. Please do not remove it.
- + *Keep it legal* Whatever your use, remember that you are responsible for ensuring that what you are doing is legal. Do not assume that just because we believe a book is in the public domain for users in the United States, that the work is also in the public domain for users in other countries. Whether a book is still in copyright varies from country to country, and we can't offer guidance on whether any specific use of any specific book is allowed. Please do not assume that a book's appearance in Google Book Search means it can be used in any manner anywhere in the world. Copyright infringement liability can be quite severe.

### About Google Book Search

Google's mission is to organize the world's information and to make it universally accessible and useful. Google Book Search helps readers discover the world's books while helping authors and publishers reach new audiences. You can search through the full text of this book on the web at <http://books.google.com/>






600046669.







600046669.







.









*JOANNIS LUZAC*  
**O R A T I O**

D E

**E R U D I T I O N E,  
ALTRICE VIRTUTIS CIVILIS  
PRÆSERTIM IN CIVITATE LIBERA.**

**P U B L I C E   H A B I T A**

*A. D. xxiv. Septembris MDCCLXXXV.*

*Q U U M*

**ORDINARIAM LINGUÆ GRÆCÆ ET HISTORIÆ  
PATRIÆ PROFESSIONEM IN ACADEMIA LUGDUNO-  
BATAVA SOLEMNITER AUSPICARETUR.**

---

---

**LUGDUNI BATAVORUM,  
APUD HENRICUM MOSTERT, 1785.**



V I R I S

PERILLUSTRIBUS ET GENEROSISSIMIS

ACADEMIAE LUGDUNO-BATAVAE

CURATORIBUS,

WIGBOLDO JANO THEODORO  
BARONI VAN DER DOES,

DYNASTAE UTRIUSQUE NORDVICI, LANGEVELD ET OFFEN,  
EQUESTRIS HOLLANDIAE ORDINIS MEMBRO, EJUSDEM-  
QUE NOMINE IN CONSESSU DELEGATORUM HOLLANDIAE  
ORDINUM PRINCIPEM LOCUM TENENTI, REI VENATI-  
CAE IN MOLLANDIA PRAEFECTO, AGGERIBUS ET VIIS  
RHENOLANDIAE CURANDIS SEPTEMVIRO, CASTEL-  
LANO, SATRAPAE, CHOMARCHO URBIS ET AGRI  
HEUSDANI, ETC. ETC. ETC.

PETRO VAN BLEISWYK, J. C.

A. L. M. PHILÓS. D. PERILLUSTRUM ET PRAEPOTENTIUM  
HOLLANDIAE ET WESTFRISIAE ORDINUM CONSILIARIO ET  
SYNDICO SUPREMO, MAGNI PROVINCIAE SIGILLI CUSTO-  
DI, SUPREMAE CURIAE FEUDALIS PRAESIDI, EJUSQUE  
TABULARII PRAEFECTO, ETC. ETC. ETC.

GULIELMO HUYGENS, J. C.

DOMINO IN HONCOOP, CIVITATIS AMSTELAEDAMENSIS SENA-  
TORI ET CONSULARI VIRO, SOCIETATIS INDIARUM ORIEN-  
TALIUM MODERATORI, ETC. ETC. ETC.

E O-

30. d. 5

EORUMQUE COLLEGIS,  
*AMPLISSIMIS NOBILISSIMISQUE*  
V I R I S,  
CIVITATIS LEIDENSIS CONSULIBUS,  
CORNELIO CHASTELEIN, J. C.  
ACADEMIAE QUAESTORI  
JACOBO VAN DER MEER,  
TOPARCHAE IN HOOGEVEEN.  
PETRO CHANGUION, J. C.  
HENRICO BALTHASARI  
VAN HALTEREN, J. C.

NEC NON  
*GRAVISSIMO CONSULTISSIMOQUE*  
V I R O,  
JCSUAE JOANNI HUBRECHT, J. C.  
ILLUSTRI CURATORUM CONSULUMQUE  
COLLEGIO AB ACTIS,

*HANC ORATIONEM  
VENERABUNDUS*

D. D. D.

JOANNES LUZAC.



JOANNIS LUZAC  
ORATIO

DE ERUDITIONE,  
ALTRICE VIRTUTIS CIVILIS;  
PRAESERTIM IN CIVITATE LIBERA.

---

MAGNIFICE RECTOR.

PERILLUSTRES AC GENEROSISSIMI ACADE-  
MIAE CURATORES.

AMPLISSIMI, NOBILISSIMI, CIVITATIS LEI-  
DENSIS PRAETOR, CONSULES, JUDICES, QUI-  
QUE IIS VEL A CONSILIIS VEL AB ACTIS ESTIS,  
VIRI GRAVISSIMI.

QUARUMVIS DISCIPLINARUM PROFESSORES  
CLARISSIMI.

QUI TRIBUNALI ACADEMICO AB ACTIS ES,  
VIR SPECTATISSIME.

DIVINORUM ORACULORUM INTERPRETES FI-  
DELISSIMI, PLURIMUM VENERANDI

A

LECTO.

LECTORES ERUDITISSIMI.

DISCIPLINARUM ET ARTIUM DOCTORES CONSULTISSIMI, EXPERTISSIMI, SAGACISSIMI.

CIVES, HOSPITES, NATALIUM SPLENDORE, MUNERIBUS, AUT SUA QUISQUE VIRTUTE CONSPICUI, CUJUSCUNQUE ORDINIS AUDITORES EXOPTATISSIMI.

TU DENIQUE LECTISSIMA JUVENTUS, MUsARUM ALUMNI, PATRIAE SPES, ACADEMIAE ORNAMENTUM, NOSTRA MOX VOLUPTAS ET CURA

**D**icenti mihi pro concione virorum cum natalibus & dignitate, tum ingenio & eruditione illustrium, dubium esse non potest, quin plerique vestrum, AUDITORES HONORATISSIMI, saepius attentâ mente perpenderit mirabilem illam & pene dixerim incredibilem, quae hinc inter Imperia Resque publicas, illinc inter Artes Disciplinasque, intercedit, factorum similitudinem: Neque quisquam vestrum est, qui aut ipse non observaverit aut observanti non facile adferret, a primis, quorum Historia nobis memoriam tradidit, rerum incunabulis ad hoc usque, quo vivimus, sae.

## ORATIO INAUGURALIS. 3

saeculum, Regnorum Populorumque sortem cum Artibus & Disciplinis tam arcto vinculo fuisse conjunctam, ut si- mul floruerint & defloruerint, creverint & decreverint.

Ne ad antiqua nimis & ab Assyriis, Aegyptiis, Persisve petita exempla oratione provehar, spectate, quaeso, doctrinarum illam & elegantiae inventricem Graeciam; spectate inprimis Graeciae ocellum, Athenas. Postquam felicis ingenii populus Solonis & sequentium seu Philosophorum seu Virorum principum scriptis, sermonibus, vel exemplis ad omnia sapientiae studia ita fuerat formatus & instructus, ut *ab illo solo* (quod CICERO ait) *humanitas, doctrina, religio, fruges, jura, leges ortae, atque in omnes terras distributae putarentur*, sensim ad tantum potentiae fastigium eadem illa Civitas ascendit, ut Barbarorum terror, Aemulorum victrix, Sociorum patrona, totius Graeciae columen & esset & ab universis coleretur. Sed, quando, qui Periclis olim admirati fuerant & lepores & vehementiam, qui Demosthenicae eloquentiae stupuerant fulmina, Demetrium Phalereum jam audiebant, aut pejorem etiam quempiam e scholâ declamitantem Rhetorem; quando, qui Socratis quondam, qui Platonis, qui Xenophon-

## 4 O R A T I O

tis, qui Theophrasti, mellita auribus & animo inbiberant morum & vitae praecepta, jejunam nunc vel subtilem nimis novae Academiae sequebantur Philosophiam; tum demum cum verae pulchritudinis sensu verus etiam evanuit patriae amor; & qui nec Themistoclis gloriam, nec Aristidis justitiam ferre potuerant Athenienses, unius Declamatoris, a Macedonum Tyranno sibi praefecti, imperio patienter fuerunt obsecuti.

Spectate, ut Graecis Romanos adjiciam, spectate urbem terrarum dominam. Quamdiu mascula viguit animorum virtus, quamdiu, quae mores corruperant, intemperantia & prava novandi cupido ingenia nondum tamen infecerant, habuerunt Rostra suos Crassos, Hortensios, Tullios; habuit Historia Sallustium, Caesarem, Livium, & (ut paucis absolvam) summos in omni humanitatis genere Viros. Sed, postquam jam ad unum delapsa erat Respublica, cum Libertate simul extincta fuit nativa ista, quam in illorum scriptis sentire magis quam imitando exprimere possumus, simplicitas & virilis vigor: Atque pro sincerâ eloquentiâ, a qua jam degeneraverant Lucanus, Seneca, Tacitus, uterque Plinius, caeteri, putida argutiarum &

# I N A U G U R A L I S. 5

nugarum confectatio quodvis scriptorum genus dedecoravit.

Non dicam de illo, quod nascentes literas vidit, ævo, quando cum ipsâ scientiarum instauratione renovata fuerunt pura veri Numinis Sacra, populorum commercia, Europae totius splendor, Patriae nostrae praesertim, turpi servitio pressae, libertas: Exemplorum plena sunt omnium saeculorum monumenta; nec hujus etiam nostrae aetatis me illorum deficeret copia, si re & factis plenius demonstrare vellem, arctam adeo inter populorum literarumque fata intercedere necessitudinem, ut ab unâ eademque causâ pendere videantur.

Haec cum ita sint, AUDITORES HUMANISSIMI, vere ante hos duo & viginti annos pro concione docuit HEYNIUS, Vir Clarissimus, *ex Libertate publicâ bonas Artes Literasque vera capere incrementa*: Sed, ut sapienti Dei consilio idem, qui Libertati fovendae inservit, ardor generosos etiam animos scientiarum elegantiaeque amore inflammat, ita non minus verum est *ex ipsis Literis bonisque Artibus incrementa capere Libertatem publicam & quae sin-*



## 6 O R A T I O

*cerae Libertatis comes est, Virtutem Civilem: Quod argumentum quoniam a nemine, quod equidem noverim, pro dignitate fuit expositum, dicam hac horâ, non de toto quidem, qua late patet, scientiarum orbe, sed (meis me cancellis circumscribens) de Eruditione, altrice Virtutis Civilis, praesertim in Civitate liberâ.*

Ex mediis quippe negotiorum fluctibus forique certamine in hanc mitiorem palaestram inprovisto delatus, quae olim mihi ad vitam civilem bene instituendam profuerat rerum cognitio, illam ego nunc aliis ita tradere mecum statui, ut vitae civilis experientia perpetuo mihi in docendo faciem praebet, & quae sterilis inutilisque foret doctrina, nisi ad communem usum referatur, illam veris factorum documentis juventuti reddam fructuosiore. — Vos, AUDITORES, mihi, qui hoc saltem ex loco publice dicendum insolens, auribus animisque favete.

At, ut ordine progrediar, nonnulla praemittenda sunt, & quae Eruditio, quae Virtus Civilis mihi videatur, paucis differendum. Hi nempe aetatis nostrae sunt mores, ut Eruditio, quae humanitas ipsa est, ab humanitate atque  
adeo

## I N A U G U R A L I S. 7

adeo ab hominum usu aliena maxime habeatur. Fallunt vel fallantur egregie, qui pravam istam opinionem aut aliis aut sibi persuadere conantur. Non est illa Eruditio, quam plerique vanâ imagine effingunt, nuda vocum & syllabarum notitia, aut immensa locutionum, sententiarum, figurarum, historiarum etiam & rerum gestarum, tenaci memoriae infixarum, rudis atque indigesta congeries. — Is demum eruditus mihi videtur, qui animum quacunque scientiâ, bonarum praesertim literarum cognitione, ita in-  
buit, ut verae virtutis inde sibi praecepta non solum ad contemplationem conficiat, sed ipse omni vitâ fideliter sequatur.

Talem vobis, AUDITORES HONORATISSIMI, ob oculos ponite virum doctum: (Et quid negemus tales vixisse complures, tales etiamnum superesse?) Fingite, inquam, virum ita eruditum, ut doctrinam suam maxime referat ad normam bene vivendi. Non is aut Thucydidem leget aut Sallustium, ut brevem acutumque, quo uterque fuerunt insignes, scribendi unice miretur modum; verum ut simul eademque operâ perpendat, quae Bello Peloponnesiaco Athenas, quae Catilinariâ Conjuratiōe Romam at-

te:

terebant & in proximam ruinam jam pronas agebant publica gentis & privata vitia. Non hoc ille tantum animo vel Demosthenem evolvit vel Ciceronem, ut qua arte alteruter populum aut iudices sibi conciliaverit, quo verborum delictu, qua locutionum vel vehementiâ vel elegantia usus fuerit, curiosè ediscat; sed hunc præcipue in finem, ut quibus illi nervis improbos suorum temporum cives adorti fuerint & victrici eloquentiâ prostraverint, attente consideret, ac tantâ vi veritatis commotus ab eorum (ut ita dicam) contubernio melior ipse recedat.

Hæc quum, me iudice, germana sit Eruditio, quæ sit *Virtus Civilis* breviter videamus. — Definitionem vobis dabo, AUDITORES, si minus logice perfectam, at certe talem, ut bonus civis, qui animi sensa simpliciter sequatur, non steriles Philosophantium regulas, assensum illi minime sit denegaturus.

Est igitur *Virtus Civilis* ea animi præstantia, qua quis, omnia boni civis officia complens, patriam ita amet, ut (quod CICERO (1) dixit) *omnes omnium caritates illa una*

---

(1) *De Off.* Lib. I. Cap. 17.

## I N A U G U R A L I S. 9

*una complectatur* : Quae Virtutis Civilis explicatio magis confirmabitur , si singulas , quae illam perficiant , partes ordine enarremus.

Sunt autem illae duplicis generis , vel ad animi bonitatem vel ad praestantiam ingenii referendae.

Ad animi bonitatem referendae sunt pectus candidum , ingenuum , honesti & decori praesertim amans ; item temperantia , moderatio , proprii commodi , divitiarum etiam & honorum male quaesitorum , contemptus.

Ad praestantiam ingenii pertinet vis illa animo insita , quae vera a falsis primo fere obtutu dignoscit & secernit : Cumque *vim illam insitam* (HORATIO teste) *doctrina promoveat , rectique cultus pectora roborent* , nativo isti acumini (quod coeleste donum est) diligentia in comparanda rerum cognitione & exercendis ingenii viribus est adjungenda.

Intelligitis facile , AUDITORES , quantum ad hanc ingenii culturam atque adeo ad perficiendam Virtutem Ci-

B

vilem

## RO O R A T I O

vilem profit earum, quae ab humanitate nomen habent, literarum disciplina. Verum, quandoquidem haec non una illarum est efficacia, neque minus ad ipsam animi bonitatem augendam faciat & excitandam, paullisper hujus argumenti tractationem differamus, donec singulas, quae Virtutem Civilem conficiunt, percensuerimus partes.

Bonus, inquam, civis & patriae amans nullus vere erit, nisi idem is in vitâ privatâ sit vir candidus, ingenuus, veritatis cultor, fraudis inimicus, iusti & aequi custos, honesti & decori studiosus.

Fuerunt omni aëvo, credite mihi, Cives! fuerunt omni aëvo, qui se Libertatis publicae vindices, Tyrannidis ofores jactarent acerrimos; sed quibus haec votorum erat summa, omni arte (malâ an bonâ parum intererat) multitudinî placere & putidissimâ assentatione sibi ad potentiam & honores viam aperire.

Date mihi, quaeso, talem quempiam, disertum hominem, Reipublicae callentem, popularem, at eundem audacem, inquietum, ambitiosum, novarum rerum cupidum:



## INAUGURALS. ET

dum: Apud plebem, aequalitatis avidam, gratiofus is erit: In concionibus dominabitur: Sed an civis, Virtute Civili spectabilis? Neutiquam! Demades erit aliquis aut Catilina, non Cato aut Aristides.

Nulla, inquam, AUDITORES, — nulla est sine animi integritate Virtus Civilis. Qui natura ad bonitatem non erit factus, turbulentis Reipublicae temporibus adversarum partem hostis erit injustus & crudelis: Nec Civitatis quieti parceret, nec Civium sanguini, dummodo rerum cum sua factione potiatur. Cujus itidem ingenuo pectori candor non erit innatus, qui intemperans, qui lucri appetens, qui potentiae avidus, iste an dissimulatione, an civilibus odiis, an turpi pretensione & ambitu, res suas agat, nihil curabit; modo illas agat feliciter, & vel Civitatis evadat princeps, vel inter principes saltem numeretur.

At vero quid sine ingenii viribus sola proficiat animi integritas, quando (quod jam dixit (2) SALLUSTIUS) *parum tuta per se ipsa est probitas*? Egregia haec pectoris  
dos

---

(2) *De Bello Jug.* Cap. 14.

dos sine acumine aliquo & culturâ ingenii periculosa magis erit quam profutura. Sic enim vaftris callidiorum artibus ludetur continuo; &, dum astuto cuique discordiarum auctori, tanquam instrumentum, incautus serviet, ipse incertae rei periculum adibit, alius fructum feret.

Sin, ut iudicio infirmus, ita animi quoque bonitate minus praecellat, quodvis ab illo in Civitate expectes malum: Prava a rectis, iusta ab iniquis, utilia a noxiis secernere nec curans, nec sciens, cuncta miscebit; Civitatis ordinem, leges, iudicia contemnet; neque ulla illi libertas erit, nisi quae in licentiam sit conversa.

Hinc, Cives mei! hinc illa Populorum, hinc illa liberarum praesertim Civitatum tabes, Discordia: Hinc illud, quod apud LIVIUM (3) animosus ait Quintius Capitolinus Consul, — *hinc illud Urbis Romae venenum, Patrum ac Plebis certamina, quando, qui in concordia Ordinum nullos se usquam esse vident, malae rei se quam nullius, turbarum ac seditionum duces, esse volunt.*

Com-

---

(3) Lib. III. Cap. 68.

Componite jam mihi cum isto tali Canulejo quodam aut Spurio Maelio virum verà Civili Virtute conspicuum. Naturà duce justitiam in omni vità secutus, nec Patres oderit, quia Patres sunt, nec Plebem, quia Plebs est: Sed superborum aequè & turbulentorum, in quocunque demum Ordine censeantur, adversarius erit constantissimus & acerrimus: Cumque, quantum sincera a fictis, externa saepe species ab intimis animi sensibus differat, nativum ejus judicium, varià rerum hominumque cognitione exercitatum, facile dignoscat, *assentatoris publici* personam aspernabitur, atque illius, quam Plebicolae appetunt, gloriolae negligens, rem Civitatis curabit, non ut sibi honori sit vel quaestui, sed ut is, cujus mens nihil praeter publicum commodum videt, quique nihil praeterea speret, nisi hanc generosae indoli gratissimam remunerationem & praesentissimum solatium, vitae utiliter & laudabiliter actae conscientiam.

Quae in hoc meo argumento mihi dicatur Eruditio, quae Virtus Civilis, habetis, AUDITORES HONORATISSIMI. Ad alteram sermonis partem progrediamur; &, quantum Eruditio conferat ad alendam illam Virtutem Civilem, praecipue ubi liberata est Reipublicae forma, paucis demon-

stremus. Vos me perorantem, ut fecistis adhuc, favore vestro prosequimini.

Versatur illa, quam modo dicebam, Eruditio praesertim in scientiâ bonarum literarum & assiduâ lectione Scriptorum tum recentiorum, tum veterum, maxime Graecorum & Latinorum, — Graecorum, inquam, Scriptorum & Latinorum: Nam, quod de solo Cicérone Quintilianus, id ego de totâ Antiquitatē palam profiteri audeo; illum ad omnem laudem jam valde profecisse, cui Veterum libri placebunt. Nisi alia id evincerent argumenta, vel unum fatis esset hoc, quod, superato communi rerum humanarum fato, ad hunc usque diem evaserint superstitēs, & scripturis in omne aevum ita futuri sint exemplo & normae, ut qui ad vividam simul & elegantem illorum simplicitatem proximus [accesserit, is optimus Auctor & sit & habeatur.

Vulgatum est, AUDITORES, quatuor potissimum in hac re nostrâ censeri Scriptorum classes, Poëtarum, Oratorum, Philosophorum, & Historicorum. De singulis ut disputem, non exspectatis. — Si hanc pro dignitate materiam tracta-

tractare vellem, & in amplissimum atque amoenissimum campum libero animo exspatiari, non clepsydram sed diem dicendo consumerem.

Et quidem *de prudenti veterum Poëtarum lectione, optimâ Virtutis altrice*, alii ante nos tam copiose differuerunt, ut hac disputatione facile supersederi possit, quandoquidem nulla perfecta est Virtus, nisi quæ ad publicum bonum referatur; atque idcirco illa animi præstantia, ad quam excellentium Poëtarum usus calentia juvenum format & incitat ingenia, Virtutem Civilem complectatur.

Unum, si vultis, sumite Homerum, qui, ut cujuscunque pulchritudinis fons perennis est dicendus, ita maxime prudentiâ civili mirabilis reperitur. — Ecquis omnium vegetioribus & ad veritatem melius compositis coloribus demonstravit hoc, quod LIVIUS (4) jam diu observabat, quodque nos hodie etiam, Patriæ dolentes vicem, moesti comprobamus: *Factionem respectumque rerum privatarum semper officere publicis consiliis?*

Hinc

---

(4.) Lib. II. Cap. 39.



Hinc Trojam ante oculos proponite, unius adulterae gratia, deletam, illinc Graeciae florem, ob unius virginis raptum, discordiâ tabidum & peste absumtum. Qui istam infani amoris aut pudendae potius lasciviae vim apud principes saepe viros cruentissimorum bellorum esse facem a summo Poëta acceperit, quis miretur proximo, quod antecessit saeculo, unius pellicis, solam hanc ob causam ad Anglos adductae, illecebris captum Regem Carolum Belgio nostro, quod illum beneficiis, suo etiam periculo, demeruerat, funestissimam cladem intulisse?

Si vero ipsa aeterni operis materies pulcherrimum nobis praebet imbecillitatis humanae spectaculum, nec desunt Poëtae Philosopho crebra orationis lumina & acutae sententiae, tantâ cum arte vibratae, ut memoriae penitus haereant infixae. Unicam excitare fas sit: *Optima auspicia, optimam Religionem esse, Patriae laboranti opitulari*: Quo dicto quid Virtus Civilis praestantius efferre possit, equidem ignoro.

Jam, ut ad Oratores transeamus, quum *eloquentia*, ut TULLIUS ait, *nihil aliud sit, quam copiose loquens sapientia*,

*tia*, & (definiente post Aeschinem Catonemque QUINCTI-  
LIANO) Orator sit *vir bonus, dicendi peritus*, quid ad  
excitandam generosam juvenum indolem magis aptum est  
quam assidue perfectissima illa evolvere exemplaria, quibus  
edax pepercit tempus? Nam, tametsi is eloquentiae abu-  
sus fieri possit, ut Oratorem redimitum coronâ & deli-  
butum unguentis, tanquam corruptorem publicum, ex sua  
civitate jure dimiserit Romanorum eloquentissimus in suis  
*de Republicâ* libris, hoc tamen, qui Demosthenem, qui Iso-  
cratem, qui Ciceronem ipsum legerit, facile mihi dabit,  
nullam capitalium horum ingeniorum Orationem ad nos  
pervenisse, in qua non inveniantur vivacia virtutis semi-  
na, quae ingenuo pectori mentique bonae, tanquam fer-  
tili humo, in juventute concredita, provectiori aetate uber-  
rimos fructus sint prolatura.

Atque, ut dictis exemplum itidem non desit, quis de-  
mum a Philippicarum, sive Demosthenicarum sive Tullia-  
narum, lectione unquam recedet, nisi ardentissimo Liber-  
tatis amore flagrans & insensissimo in Tyrannos aut ma-  
los cives odio incensus? Qui haec intermoritura nunquam  
scripta attente pertractaverit, neque ad Virtutem sit com-

motus, is, me hercle, plumbeus sit & stipes oportet; non homini sed pecori similis, omni veritatis & pulchritudinis sensu penitus carenti.

An de antiquis Philosophis hic dicam, debito, AUDITORES. Quis enim omnis humanitatis adeo est expertus aut potius hostis, ut Platonem inter Graecos ignoret, vel Aristotelem, vel Xenophontem, vel Theophrastum, aut recentiori etiam aevo Epictetum, Plutarchum, Arrianum, Marcum Antoninum, Maximum Tyrium, Julianum? Quis inter Latinos, ne Senecae meminerim, cujus scripta, non mores sunt spectandi, — quis inter Latinos immortalem Virum, quem primum rursus laudare debueram, M. nostrum Ciceronem?

Abfit dicto invidia, AUDITORES: — Sed insunt in parvo illo *de Officiis* libello plura, quae ad amorem iusti, aequi, & decori, ad Virtutem imprimis Civilem, pectus inflamment, quod generoso incoctum sit honesto, — plura, inquam, in parvo hoc libello & pulchriora insunt praecepta, quam in spissis, qui jam quotidie foras protruduntur, Philosophorum (tales enim haberi se volunt) commentariis.

Et,

Et, ut ad Platonem redeam, qui verae Philosophiae princeps erit, dum literis suis constabit honos, quid excellentius aut dici aut cogitari potest, quam hoc, quo decimum *de Republicâ* Librum concludit: *Ita colendam esse justitiâ, ut & nobismet ipsis amici simus & Deo immortali placeamus?* Vel, si mavultis aliud quodpiam dictum, quod ad Virtutem Civilem magis faciat, quid prudentius quam duo haec Platonis (referente (5) CICERONE,) praecepta: *Unum, ut utilitatem civium sic tueantur, qui Reipublicae praefuturi sunt, ut quaecunque agunt, ad eam referant, obliti commodorum suorum; alterum, ut totum corpus Reip. curent, ne, dum partem aliquam tuentur, reliquas deferant: Ut enim* (finite, AUDITORES, me Tullii verba addere, quae a praesenti rerum nostrarum statu aliena vobis non videbuntur: ) — *Ut enim tutela, sic procuratio Reipublicae, ad utilitatem eorum, qui commissi sunt, non ad eorum, quibus commissâ est, gerenda est: Qui autem parti civium consulunt, partem negligunt, rem perniciosissimam in civitatem inducunt, seditionem atque discordiam: Ex quo evenit, ut alii populares, alii studiosi optimi cujusque*  
*vi-*

---

(5) *De Off. Lib. I. Cap. 25.*

*videantur, pauci universorum. Hinc apud Athenienses  
magnae discordiae: In nostrâ Rep. non solum seditiones, sed  
pestifera etiam bella civilia; quae gravis & fortis civis,  
& in Rep. dignus principatu, fugiet atque oderit, tradet-  
que se totum Reipublicae; neque opes aut potentiam con-  
sectabitur, totamque eam sic tuebitur, ut omnibus consulat.*

Verum, si tot tantaeque in lectione Poetarum, Orato-  
rum, & Philosophorum, insunt dotes ad Virtutem Civi-  
tem comparandam, quid de Historicis erit dicendum,  
quando, quod vere olim SOPHOCLES in Oedipo (6)  
Tyranno, *vir prudens nova, quae jam fient, ex veteri-  
bus, quae jam facta sunt, conjecturâ consequitur*, & qua-  
dam (ut ita dicam) divinatione praefagit? Ac, quoniam  
de bono cive formando haec nostra est oratio, quis ve-  
strum, AUDITORES, negabit, tantum ad hoc valere  
omnis aevi documenta, quae Historia, vitae magistra, in  
illustri ponit loco, ut, qui illam ignoret, humanitatem  
ipsam ignorare videatur? Quae si vera sunt, ut ve-  
rissima esse omnes conceditis, unum hoc addere eodem  
jure mihi liceat, ad istam hominum & humani ingenii  
co-

---

(6) V. 926.

cognitionem, quae legendâ Historiâ comparatur, nullos magis facere quam Historicos veteres, eos saltem, quos ipsa laudavit Antiquitas. Ne de Graecis, Thucydide praesertim & Polybio dicam, quis Recentiorum egregiis sermonibus, vel utilibus, & ad Rempublicam gerendam accommodatis, nec tamen e longinquo quaesitis, sententiis magis est conspicuus quam Livius, admirabilis adeo, me quidem iudice, Scriptor, ut graviolem nullam, quam deperditarum Livianarum Decadum, bonae literae fecerint jacluram?

Sed quid ego in his moror, quando otium mihi hac etiam parte fecerunt, cum alii, tum summus ipse HEMSTERHUSIUS, quum ante hos quadraginta & quinque annos idem hoc, quod ego nunc tanto viro minor suscipio, in hac ipsâ cathedrâ munus capefferet; & nuper admodum ille, quem ego, me saltem in Graecis literis exercitatum magis Praeceptorem, huic Academiae laetissimus fueram gratulaturus, Clarissimus WYTTENBACHIIUS; ille Oratione habitâ *de Literarum Humaniorum studiis ad mores emendandos virtutisque cultum conferendis*; hic vim & efficaciam Historiae ad studium virtutis

ex intimis etiam Philosophiae penetralibus cultissimo sermone ita demonstrans, ut nihil cuiquam reliqui fecisse videatur?

\*Otio igitur & patientiâ vestrâ, AUDITORES, non abutar; &, quod restat, instituti memor breviter ostendam, ad cultum Virtutis Civilis bonas literas ibi maxime proficere, ubi libera est regiminis forma: Nam, ut multa alia, quae forte fortunâ accidisse videantur, & tamen sapienti Numinis consilio evenere, sic in hoc Divinae Providentiae bonitatem maxime veneror, quod Veteres illi, quorum exemplaria versamus, seu Graeci seu Latini, e liberis fuerint civitatibus oriundi. Nimirum noluit Deus, Libertatem, quae omnibus virtutibus fomenta praebet, ex hoc terrarum orbe exfulare; atque idcirco ex omni aevo nullos ad posteritatem perennare iussit Scriptores, nisi qui utraque illâ Linguâ fuerint usi, quae a liberis Populis fuit usurpata & exculta.

Igitur duplex inde enascitur dos: Primum quod, dum Graecos audimus & Romanos, quae utramque Rempublicam vel auxerint bona vel pessum dederint mala, si sapiamus, ab illis ediscamus: Tum deinde quod ingenuos tales  
spi-

spiritus literis illi consignaverint, qui & hodie & in ultima saecula inserviant tanquam igniculi ad amorem Libertatis alendum atque in generosis animis conservandum. De utroque bono videamus.

Ac primo quidem, si, ut par est, potestatis ad unum delatae impatientes simus Batavi, & merito haec nobis Virtutis Civilis sit summa, omnes abs Libertate publicâ insidias propulsare (ne de Graecis narrem) quod insignius nobis est, quam Historia Romana, documentum, quando is populus, qui ne secures quidem, Regii imperii signum, ferre potuerat, quique Collatinum, quia Tarquinius dicitur, urbe eiecerat, jam non Regem habebat, sed Imperatorem, qui ea patrare animum induceret, quae ne Phalaris quidem aut illaudatus Buisiris cogitare fuissent ausi? — *Rempubicam verbo retinemus; re ipsâ vero jam pridem amisimus*, sub Caesaris Julii regno querebatur (7) CICERO: Quid si Tiberii, Caligulae, Neronis, Domitiani tempora attingere illi licuisset? — Respublica tamen erat: Erant Consules, erant Tribuni Plebis, erat

Se-

---

(7) In *Fragm. Lib. V. de Republicâ*.



Senatus: — Sed quis Senatus? Is, qui, cum Quaestor Imperatoris epistolam legisset, ne hiscere quidem contra aut turpissimis & intolerabilibus postulatis obistere auderet; is Senatus, cui, peregrinis & braccatis oppleto, publica salus parum cordi erat, si sibi modo cuique esset bene. Regium nomen non sumebant Caesares; sed Tribuni Plebis erant, & sacro-sancti habebantur; Pontifices Maximi, & Religionibus praeerant; Censores, & quem vellent Senatu aut Tribu movebant; Consules vel Consulium domini, & summam rerum administrabant; Imperatores, & militum favorem captabant; honorum supremi dispensatores, &, nisi quis Labeo esset vel Thrasea, singulos sui studio devinciebant. — Felix nostra Respublica, si a tali tantoque malo tanta sibi semper prospexerit aut in posterum sit prospectura!

Ista sunt, AUDITORES, potestatis ad unum in Republica delatae mala: Nec ferenda magis inmoderata Optimatum dominandi libido, quam ut quis Vatiniano, quod meretur, odio prosequatur, quid iterum magis proderit quam Graecam & Romanam Historiam diligenter lectitasse? Quid enim, ut uno exemplo defungar, quid atrocius,

cuius, quid inmanius cogitari potest, quam istud triginta, ut vocabantur, Tyrannorum in infelices Athenas imperium? Quod infame magis aut abominandum, quam Critiae caeterorumque nomen, qui hostibus Patriae suae, Lacedaemoniis, odioso inprimis Pausaniae, parere malebant, quam aequo jure cum civibus vivere? Quid contra praeclarius quam excelsa Thrasyluli virtus, qui, solus bellum his indicens & prudentiâ non minus quam fortitudine conficiens, cedentes adversarios violari vetuit, *cum cives civibus parcere aequum censeret?*

Vos porro, justî rerum aestimatores, candida pectora, qui omnem a populo oriri potestatem vere mecum sentitis, vos obtestor, an quispiam vestrum aeterna Patrum cum Plebe Quiritium certamina, negata connubia, negatam honorum communionem, nexos ob aes alienum, crudeles Decemviros, mactatam a patre Virginiam, intolerandos Claudiae Gentis fastus, Syllanam Factionem, aut caetera tot tantaque Patriciatus illaudanda facinora meminert, nec fateatur, pejorem etiam regio imperio paucorum in omnes esse dominatum?

D

Hanc

Hanc itaque altâ voce & apertâ mente professus sententiam, placebo vobis, si qui hic adestis, Democraticae Regiminis formae Patroni: At num placebo etiam, si eâdem ingenuitate, quam equidem non nisi cum vitâ deponam, coram illustri hac concione, ipsâ veritatis conscientia animosus dixerò, deterius nullum esse quam populare istud imperium, — istud multitudinis imperium, inquam, sub quo nec sinceræ virtuti potens invidia, nec fucatae malitiæ inmerita unquam defuerunt præmia? — Stupetis! & lividum me arbitramini virtutis vestrae obtrectatorem! — Sed, si bonâ fide agitis, ut vos agere lubens crediderim, Historiam, precor iterum, legatis Graecam & Latinam. Athenæ mihi aderunt testes, aderit Roma. Spectabitis, ut CORNELII NEPOTIS (8) verbis utar, *populum acrem, suspicacem, mobilem, & potentiae ita adversarium aut invidum*, ut bene de Republicâ meruisse validissimum aliquando esset ad damnationem argumentum: Spectabitis civitate pulsos iustissimum Aristidem, fortissimum Climonem, prudentissimum Cononem, moderatissimum Timotheum; in vincula conjectum & miserrime in carcere per-

---

(8) *In vitâ Timothei* Cap. 3.

pereuntem illum ipsum Miltiadem, cujus virtuti non Attica sola sed tota Graeciae libertatem suam debebat: Spectabitis capitis damnatum Phocionem, virum optimum, e cujus morientis ore vera haec vox fuit emissa: *Talem exitum plerosque claros viros habuisse Athenis!* Spectabitis exadverso Cleonem, Cleophontem, Hyperbolum, Ephialten, homines seditiosos, amentes, audaces, criminosos, turbulentos, improbos in Rempublicam, Plebi vero gratissimos, cujus quippe levissimam favoris auram turpissimam assentatione odiosi isti Demagogi aucupabantur. — Spectabitis, ut paucis cuncta complectar, summam concionum temeritatem, populari invidiae cedentes cives clarissimos, pendentem a pessimi cujusque consiliis civitatem, & publicam salutem iis creditam, quibus nemo sanus rem privatam tradidisset administrandam.

In citandis e Graecia exemplis nimius forsitan quum fuerim, de Gracchanis aut Marianis temporibus, de Legibus Agrariis, de Largitionibus, de Ludis, de Frumento plebi dividendo, nunc quidem filebo, neque dicam de sacra ista & sancta potestate Tribunorum Plebis, qui, ut praeclare LIVIUS (9)

ju-

---

(9) Lib. III. Cap. 21.

judicat, *fere semper a multitudine magis regebantur, quam regebant.* In multam noctem, si de singulis agerem, protraheretur sermo, AUDITORES HUMANISSIMI. Unum addam, & hanc orationis meae partem absolvam: Omnem omnium aevorum Historiam constantissimae hujus veritatis esse magistram, de qua, si non mihi, CICERONI meo saltem fidem habebitis, homini in Republicâ versatissimo, *illum nempe, qui in rebus civilibus (10) ex errore imperitiae multitudinis pendet, in magnis viris non esse habendum.*

At vero interrogantem audire mihi videor, quae demum, quando neque unius, neque optimorum, neque universorum dominatus placeat, — quae igitur, veteris Historiae documento, optima Reipublicae forma sit habenda? — Perfectam etenim, opinor, in hac rerum humanarum conditione nemo sapiens sperabit. — Optima Reip. forma (nisi magnitudo imperii eam regiae potestatis admisionem, quam desiderat Montesquievius, aliquando postulare videatur) — optima Reip. constituendae forma ea est, quae prudenter ex Plebis atque Optimatum imperio ita sit temperata, ut neque Populus de summa  
Reip.

---

(10) *De Off. Lib. I. Cap. 19.*

## I N A U G U R A L I S. 29

Reip. unquam pronunciet vel in judiciis dominetur, neque Optimates, ab omni civium suorum arbitrio in creandis Magistratibus liberi, Civitatis se magis dominos quam rectores arbitrentur. Moderata ejusmodi si probetur in Regimine mixtura, optatissima simul aderit aequalitas, non ista quae ex plurium voto omnibus idem, sed ea quae suum singulis tribuat, pro dignitate quemque honoret, ac malos cives, turbidarum praesertim rerum auctores & seditionis duces, poenis castiget meritissimis.

Sed quorsum vagor? — In aliena prorsus me ipsius materiae cum utilitate tum dulcedine abduci sentio. Ut in viam redeam, breviter demonstrandum mihi erit, Eruditionem Virtuti Civili illa nutrimenta aut illos (ut ita dicam) igniculos subministrare, qui Libertatis amorem alant & generosa pectora ad quaevis praeclara stimulent & incendunt.

Batavam hanc nostram Rempublicam, carissimam mihi Patriam, ad testimonium voco, atque ita voco, ut nullus alius Populus illustre magis hujus rei documentum praebere mihi videatur. — Patatis, AUDITORES, futurum

fuisse, ut Majoribus nostris, quum sese posteritatemque suam e dirissimâ servitute in libertatem vindicarent, tanta esset in summis periculis prudentia, tanta in malis constantia, tantus consiliorum vigor & animorum robur, nisi viridem aetatem suam, non ut hodie juventuti plerumque mos est, ludis & voluptati, sed feveris legum & literarum studiis, consecrassent?

Ob oculos vobis ponite fortissimum Leidæ meae Defensorem, Janum Douſam, & totam Douſarum Nordviſenſium Gentem, quæ ſi maxime in Te, VIR PERILLUSTRIS, deſineret, doleremus omnes boni. — Ob oculos vobis ponite Virum ſummo loco natum, auctoritate polentem, maximis Reip. curis diſtractum, armis æque & civili ſapientiâ clarum, ſed literis ita deditum, ut dubium ſit, an Eruditio illi magis ad Virtutem Civilem colendam profuerit, an ipſa Virtus Civilis ad Eruditionem adpetendam. — Contemplamini porro Virum illum, cujus gloria non niſi cum ipſo Batavorum nomine interitura eſt, Hugonem Grotium! Contemplamini illuſtre par Fratrum, Wittios! — Creditisne, AUDITORES, aut illi, iniquis obſequentiſſimorum Judicum ſuffragiis damnato,

nato, aut his pravo civium judicio oppressis & vaferri-  
mâ arte ad necem irretitis, talem animi magnitudinem  
in adversis fuisse futuram, nisi ad excelsam indolem acces-  
sisset ingenium, Antiquitatis colore ita imbutum, ut in  
Louvensteiniano carcere & sub ipsis carnificinae cruciati-  
bus inde peterent miseriarum ac doloris levamentum?

Sed quid opus est, AUDITORES, ad remotiora nos  
conferre tempora, ut quantum exacta veteris aevi cogni-  
tio faciat ad pernosendum ingenium humanum, atque  
adeo ad comparandam prudentiam civilem, demonstre-  
mus? — Unum Virum vobis excitabo, cujus mortem,  
gravissimum huic Academiae & irreparabile damnum, non-  
dum eluximus, LUDOVICUM CASPARUM VALCKE-  
NAERIUM. Erat ille quidem ab ipsa pueritiâ ejus tran-  
quillitatis, quae in studiis est, ita amans & adpetens, ut  
a negotiis publicis sese quam longissime removeret atque  
ad literatum otium, quod cum dignitate conjunctum est,  
lubentissimus perfugeret: At illa tamen fuit in summo  
viro rerum civilium scientia, tam pulchre & principum  
mores & populi vitia ille noverat, ut non tantum de iis,  
quae jam facta essent, acutissime judicaret, verum etiam  
quae



quae jam futura essent, non ex avium volatu, sed ex intimis Historiae penetralibus, callentissimus Augur praesagiret. Ut dictis fidem faciam, redite, quaeso, in memoriam excellentis illius Orationis, quam ex hac ipsa Cathedra habuit, *de publicis Atheniensium moribus, pro temporum diversitate, crescentis labentisque Reip. causis*: Et, si Patriae vos tangat amor, legatis illam & iterum legatis. Quae nostram Rempublicam, ut quondam Athenas, nunc etiam exedant mala, quae causae nos civilibus discordiis agitados, hinc fraudibus petitos, illinc patricorum ambitione vexatos, aut turbulentorum hominum artibus delusos, ad certissimam perniciem pronos praecipitent, in speculo Graecorum non sine horrore quodam intuebimini.

Quando VALCKENAERII mentionem injeci, expectatis, HONORATISSIMI AUDITORES, me illud praestitutum, quod cum hujus diei solemnitas & ille, in quem adscendi, locus, tum necessitudo, quae mihi cum Viro Clarissimo fuit, vel ipsa potius pietas a me postulare videatur: Expectatis ex ore meo debitas VALCKENAERIO laudes: Sed cupidissimum vires deficiunt; & dicturo verba intercipit dolor. Singularis enim ista mihi fors ob-

git

git, ut, qui laetissimis auspiciis illucescere dies debuerit,  
 ille, recrudescens, luctum magnitudinis caterpene vix sit  
 factus. Quis VALCKENAERIUS fuerit, inquis ego  
 sim, probe recorder. Hinc illa, quam pro humanitate  
 vestra condonabitis, fracti animi imbecillitas, & extinctus,  
 si quis mihi in dicendo fuit, vigor. Is etenim in suo  
 studiorum genere fuit VALCKENAERIUS, ut, si a Bent-  
 lejo & Hemsterhusio discedas, qui cum illo hoc aevo com-  
 parari possit, vix unus aut alter inveniatur.

Sed quid ego, quam omnes per universum orbem agno-  
 scunt Eruditi, extulam illius doctrinam, quid ego indefes-  
 sam Viri industriam, admirabile ingenium, exactissimum  
 iudicium, exercitatissimum acumen, fragillissimam & poten-  
 tissimam eloquentiam, incredibilem pene infinitaque rerum  
 varietate instructissimam memoriam coram vobis commemo-  
 rem, qui plerique VALCKENAERIUM praesentes novi-  
 stis? Illud potius peragamus, quod vel invitis exprimeret  
 maximae, quam Academia nostra fecit, iacturae acerbitas:  
 Et fugientis Eruditionis antiquae, tum Leidae nostrae &  
 Jurventutis Batavae, tum meam quoque vitam dolamus.

gisque commercem omni operâ admittar; neque cuiquam  
vestrûm ullo officiorum genere aut honesto obsequio deesse  
constitutum est. Si in ornandâ Academiâ impari gressu  
vos sequar, at sequar tamen; & talem me præstabo; quî,  
ingenio & doctrinâ singulis vestrûm facile cædens, animi  
simplicitate, morum facilitate, ac Batavo candore ne-  
mini sim cessurus.

Vos autem nomine mihi compellândi estis, PESTELI  
Clarissime, & venerabilis senex; ALLAMANDE: Quos  
arctissima familiaritatis tenet copula, & a me vos hic  
conjugi sinatis. Laetus ejus temporis recordor, quo pa-  
rentum meorum amici veterrimi discipulum me habebatis,  
vobis deditissimum. Idem is ego sum, jam novo vobiscum  
vinculo colligatus: Et, si quid candidam fidem professio  
cæditis, sic statuatis, velim, benevolentiam, qua me olim  
prosecuti estis, nunc etiam, si qua in me est, pietate me  
mihi ultrô esse conciliaturum.

Tui quoque solenni hoc die an obliviscer, optime  
& integerrime VOONDA, tui, inquam, qui Virtutem  
Civilem, collaudanti, ante oculos maxime fuisse versatus?

Rara

Rara enim ac nullo pretio aestimanda Academiae nostrae est felicitas, ut illi Juvenes, qui ad Rempublicam sint accessuri, in te & in Clarissimo KEESSELIO perfectissima habeant illius Virtutis exemplaria, qui Patriam vestram sic diligatis, ut verum Jurisconsultum eundem esse virum bonum & civem utilissimum, ringente licet invidia, planissime comprobetis. Sed ad publica haec merita accedunt privata tua in me beneficia: Nam ab eo tempore, quo docentem te audiebam, illo favore me fuisti complexus, ut quem ego amicorum meorum te integritate, fide, auctoritate potiore habeam, equidem noverim neminem. Si tali ergo animorum & voluntatis conjunctioni recens quaedam ex meo hoc munere se adjunget necessitudo, id etiam inter mea gaudia non ultimum erit computandum.

Quo te tandem nomine adpellem, quem ut Praeceptorum venerabundus suspicio, ut amicum studiosus colo, ut fautorem gratus observo, RUHNKENI, Vir Clarissime? Tu in me pene puero Graecarum Literarum, in quibus dux eras ante Hemsterhusium, vix fatiendam sitim excitasti: Tu suscipiendae hujus provinciae jam mihi praecipuus fuisti auctor & suasor, quam ego, insperato oblatam,

## 38 ORATIO INAUGURALIS.

ne capeffere quidem ausus fuiſſem, niſi te monitore etiam-  
num uti licuiſſet, ac tu mihi in illis ſtudiis, in quibus  
cum Valckenaerio facile principatum tenebas, praefens,  
quod adhiberem, oraculum adfuiſſes. Patere igitur, ut  
fidem tuam publice implorem, & publice viciffim ſpon-  
deam, me nullo dolo nullâve culpâ commiſſurum, ut ſeu  
discipuli, ſeu amici, ſeu collegae tui te unquam poeniteat.

Ad vos denique, ORNATISSIMI ACADEMIAE  
CIVES, lectiſſima Juventutis corona, mea ſe vertit ora-  
tio. Maximam experti eſtis cladem, Valckenaerio parem  
Praeceptorem nunquam habituri, Quod in me erit, veſtra  
damna reſarciam, non exquisitae illius, quae in hoc Viro  
erat, doctrinae abundantia atque exemplorum ex intimâ  
Graecae Linguae notitiâ petitorum copia, ſed diligentia,  
ſed comitate & prolixâ in vos veſtraque ſtudia voluntate.  
Commilitonem me habebitis fidelem, gnavum, indefeſſum,  
& talem praecipue in comparandâ Eruditione hortatorem,  
cui haec votorum ſumma futura ſit, ut vos non tantum  
reddat doctiores, ſed & meliores, Cives Patriae amantiores,  
Majorum denique veſtrorum ſimillimos.

D I X I.

















